

重慶府縣志輯

⑫

中國地方志集成

民國新修合川縣志(三)

中國地方志集成

重慶府縣志輯 ⑫

民國新修合川縣志
(三)

巴蜀書社 · 鳳凰出版社 · 上海書店

第十二冊目錄

民國新修合川縣志（三）

.....

國民

新修合川縣志

(三)

民國・鄭賢書

等修

張森楷

纂

民國十年刻本

八十三卷

合川縣志卷三十九

三

合川縣志卷三十九

四

瑄諷帝詔師立以本官兼右僕射師立益怒移檄言敬瑄十罪殺監軍田繪屯涪城遣兵攻綿州不克又檄劍州刺史姚卓文假卓文指揮應接使其攻成都帝乃下詔削官爵碑又云泊鄭君雄口口失律廣漢山行章尙書攻圍當州考綱目仁厚至德陽師立遣其將鄭君雄據鹿頭關以拒之堅壁不出仁厚列柵圍之夜二鼓君雄等出勁兵掩擊城北寨行軍副使楊茂言不能禦帥眾走諸寨聞之君雄下口當是地名按新唐書云師立投池中君雄斬其首降為遂州刺史光啟二年仁厚據梓州絕敬瑄君雄亦陷漢州敬瑄使部將李順之逆戰君雄死即碑所言失律也十國春秋前蜀本傳山行章一名章陳敬瑄之亂行章拒高祖於新繁師敗復為高祖破於廣都後請降隸帳下有戰績乾甯四年授都押牙出鎮黎州即其人也碑又云故府太尉丞相顧公累降命旨口起應公統領精銳二萬餘人虔告著龜申令士卒併破二十七寨殺戮萬餘口人大振威聲上聞授工部尙書拜當州刺史充昌普渝合四州都指揮靜南軍使累加刑部尙書左僕射所云顧公指顧彥暉也新唐書云乾甯二年昭宗在石門督顧彥暉王建赴行在建率兵二十萬

合川縣志卷三十九 名宦二

五

攻綿州即効彥暉劫輜運回襲之彥暉不敢出但遣人塞建舟路建遂擊取巴關達渠通果龍利八州李茂貞使子興元節度使繼密引軍救彥暉以窺東川四年華洪率眾五萬攻彥暉取渝普昌三州壁梓州南敗彥暉兵奪鎧馬八百凡五十戰圍遂固彥暉手殺妻子乃自刎如碑言當是彥暉告急於君靖為之出師也然渝昌普三州皆君靖所統而華洪取之碑所云破七十二寨威聲上聞者當是既失復取之也碑又云然則士馬雖精其如城柵未固思大易習坎之義徵王公設險之文乃於景福壬子歲春正月卜築當鎮西北維龍崗山建永昌寨按今龍崗山在縣西北十里其山環拱山脊折紋如龍麟故名是碑以北山為龍崗山志以西山為龍崗也碑又云人力子來春鍾雲至連費比屋萬戶千門又云築城牆二千餘間建敵樓二百餘所今則淪穢無復遺跡矣碑又云公又於寨內西口口口口翠壁鑿出金仙現千手眼之威神具八十種之好相即今之諸佛像是也碑又云施口口口口錢舍迴祿俸以建浮圖聆鐘磬於朝皆宣讚哩於遠近即今日之白塔是也碑又云其軍中節級將校等深達機略博識古今皆是公同志兄口口口

一心報國戮力從軍咸奉渥恩皆霑爵賞列署名銜庶不墮勳業即碑下截所刻之一百六十餘人也內有韋君意韋義豐韋君球韋君芝韋君政韋君遷韋君幸韋君貞韋寶錄韋益錄韋迪錄韋寶章韋和錄韋宗錄韋公錄韋公韋延韋彥錄二十二入皆係君靖弟兄子姪碑文兄下口口口口當是弟子姪字碑又云密叨列門館累戴恩光學淺文荒紀口口其未盡神恩智拙錄美事而猶疏輒將鄙俚之辭聊述口口之績將欲煥乎不朽傳之無窮遂歲斯文乃鐫貞石是胡密自述其撰文也未云大唐乾甯二年歲次己卯十二月朔十九日辛丑記此碑塵霍千載雖著錄於王象之碑目而其文不傳余乃得親至碑下掘埋土洗苔蘚摹揭出之仍為吾大足有榮昌不得而爭之樂何如耶其碑文由後而前與佗碑不同嘉慶二十四年正月十三日大雨鏤下書此以貽好古之君子昌州今大足縣治龍崗山在其北故分普合二州地置君靖既刺合州又兼四州都指揮固合州長官也而舊新各志并不載其姓名更何論名宦之祀也今具錄碑文並張樹書後俾後來者有所攷云大足縣志卷三十九 名宦二 文集森楷刻記

合川縣志卷三十九 名宦二

六

潘仁嗣 人事孟知祥為牙將後唐同光末從知祥入蜀甚見信用長興元年知祥同董璋反璋攻取合州以歸知祥二年知祥授仁嗣合州刺史三年召還署馬軍都指揮使聞璋將攻成都遣仁嗣將三千人詣漢州謂之遇璋兵至與戰于赤水大敗為璋執歸順之知祥親執庶鼓大破璋兵走之仁嗣乘間逸還後累官至武定軍節度使源壁等州觀察處置等使乃合州志也余玠字義夫蘄州人家貧落魄無行喜功名好大言少為白鹿洞諸生嘗攜客入茶肆販賣茶翁死脫身走襄淮時趙葵為淮東制置使玠作長短句上謁葵壯之留之幕中未幾以功補進義副尉擢將作監主簿權發遣招信軍充制置司參議官進工部郎官嘉熙三年與大元兵戰于泔城河陰有功授直華文閣淮東提點刑獄兼知淮安州兼淮東制置司參謀官理宗紀作進三秩三年作四年部余玠進三秩直華文閣河汴所自功全歸而還至是論功定賞又命玠治祐元年玠提兵應援安豐拜大理少卿升制置副使進對言必使國人上下事無不確實然後華夏率宇天人感格又言今世胄之彥場屋之士田里之豪一或

即戎即指之爲羸人斥之爲噲伍願陛下親文武之士爲一勿令偏有所重偏必至於激文武交激非國之福帝曰卿人物議論皆不常可獨當一面卿宜少留當有擢用乃授權兵部侍郎四川宣諭使帝從容慰遣之玠亦自許當手挈全蜀還本朝其功日月可冀尋授兵部侍郎四川安撫制置使兼知重慶府兼四川總領兼夔路轉運使治祐二年以金符授通判四川官撫使事干撥運四同制臣其職指置先行後宋仍給財賦使以權置言玠功重慶府兼四川總領四年加華文閣待制依舊六年間凡授宣撫三人制置使九人副四人或老或暫或庸或貪或慘或繆或遙領而不至或開隙而各謀終無成績於是東西川無復統律遺民咸不聊生監司戎帥各專號令擅辟守宰蕩無紀綱蜀日益壞及聞玠入蜀人心相定始有安土之志玠大更敝政遠選守宰築招賢之館于府之左供張一如帥所居下令曰集眾思廣忠益諸葛孔明所以用蜀也欲有謀以告我者近則徑詣公府遠則自言于郡所在以禮遺之高爵重賞朝廷不吝以報功豪傑之士趨期立事今其時矣士之至者玠不厭禮接咸得其歡心言有可用隨其才而任之苟不可用亦厚

合川縣志卷三十九

遺謝之遂得播州冉璉冉璞兄弟用其謀徙合州城于釣魚山茲築青居大獲雲頂天生十數城以相聯絡語具冉璉傳又屬嘉定俞興開屯田于成都蜀以富實十年冬玠率諸將巡邊直擣興元大元兵與之大戰十二年又大戰于嘉定初利司都統王夔素殘悍號王夜叉恃功驕恣桀驁不受節度所至劫掠每得富家穴箕如頸四面然箕謂之墓蝕月以弓弦繫鼻下高懸於格謂之錯繫喉縛人兩股以木交壓謂之乾榨油以至用醋灌鼻惡水灌耳口等毒虐非一以脅取金帛稍不遂意卽死其手蜀人患苦之且悉斂部將倖馬以自入將戰迺高其估賣與之朝廷雖知其不法在遠不能詰也大帥處分少不順其意則百計撓之使不得有所爲玠至嘉定夔帥所部兵迎謁才羸弱二百人玠曰久聞都統兵精今疲傲若此殊不稱所望夔對曰夔兵非不精所以不敢卽見者恐驚從人耳頃之班聲如雷江水如沸聲止圓陣卽合旗幟精明器械森然沙上之人爾望若林立無一人敢亂行者舟中皆戰掉失色而玠自若也徐命吏班賞有差夔退謂人曰儒者中迺有此人玠久欲誅夔獨患其握重兵居外恐輕動危蜀謀於親將楊成成曰夔在蜀

久所部兵精前時大帥夔皆勢出其右意不止此也視侍郎爲文臣必不肯甘心從令今縱弗誅養成其勢後一舉足西蜀危矣玠曰我欲誅之久矣獨患其黨與眾未發耳成曰侍郎以夔在蜀久有威名孰與吳氏夔固弗若也夫吳氏當中興危難之時能百戰以保蜀傳之四世恩威益張根本益固蜀人知有吳氏而不知有朝廷一旦曠爲叛逆諸將誅之如取孤豚況夔無吳氏之功而有曠之逆心恃狃突之勇敢慢法度縱兵殘民奴視同列非有吳氏得人之固也今誅之一夫力耳待其發而取之難矣玠意遂決夜召夔計事潛以成代領其眾夔才離營而新將已單騎入矣將士皆愕眙相顧不知所爲成以帥指臂曉之遂相率拜賀夔至斬之成因察其所與爲惡者數人稍稍以法誅之乃薦成爲文州刺史戎帥欲舉統制姚世安爲代玠素欲革軍中舉代之弊以三千騎至雲頂山下遣都統金某往代世安世安開關不納且有危言然常疑玠圖已屬丞相謝方叔家子姪自永康避地雲頂世安厚結之求方叔爲援方叔因倡言玠失利戎之心非我調停且旦夕有變又陰嗾世安密求玠之短陳於帝前於是世安與玠抗玠鬱鬱不樂寶祐元

合川縣志卷三十九

年間有召命理宗紀寶祐元年五月召余玠赴闕六月四川愈不自安一夕暴下卒或謂仰藥死蜀之人莫不悲慕如失父母玠自入蜀進華文閣待制賜金帶權兵部尚書進徽猷閣學士升大使又進龍圖閣學士端明殿學士及召拜資政殿學士恩例視執政其卒也帝輟朝特贈五官以監察御史陳大方言奪職六年復之玠之治蜀也任都統張實治軍旅安撫王惟忠治財賦監簿朱文炳接賓客皆有常度至於脩學養士輕徭以寬民力薄征以通商賈蜀既富實乃罷京湖之餉邊關無警又撤東南之戍自寶慶以來蜀閭未有能及之者惜其遽以太平自託進蜀錦蜀箋過於文飾久假便宜之權不顧嫌疑昧於勇退遂來讒賊之口而又置機捕官雖足以廉得事情然寄耳目於羣小虛實相半故人多懷疑懼至於世安拒命玠威名頓挫齎志以沒有子曰如孫取當如孫仲謀之義遺論改師忠歷大理寺丞爲賈似道所殺宋史本傳王堅人治祐十二年以武功大夫收復興元有功轉蓬州團練使寶祐二年四川制置司余晦言合州廣安軍北兵入境王堅曹世雄等戰禦有功詔堅官兩轉餘各補轉官資尋授兼興元都統兼知合州寶

祐末蒙古兵攻蜀自吉平隘至蓬州勢如破竹順慶廣安諸郡無敢抗顏行者蒙古主憲宗遣降將晉國寶來合州招諭堅不從開慶元年國寶歸峽口堅追還殺之于閬武場憲宗怒遂兵圍合州堅與副將張珪協力固守大獲降將楊大淵請俘虜州民以弱之遂掠男女八萬餘以歸無入字二月憲宗親率諸軍渡雞爪灘至石子山督戰城下前後攻一字城鎮東鎮西東新奇勝護國等門登外城殺宋兵甚眾至五月迄不克以大雷雨停攻二十日六月四川制置副使呂文德聞合州圍急自重慶率鏃艦千餘奔嘉陵江而上為蒙古史天澤分軍兩翼順流縱擊敗還六月蒙古前鋒大將汪德臣汪特作夜選精銳登外城仰攻堅率兵逆戰德臣不得進單騎大呼曰呂文德援兵敗還矣我來活汝一城軍民宜早降勿從王堅俱死也言未卒有飛石來幾中之德臣大驚亟歸因得病死七月憲宗師還至溫湯峽而祖憲宗中微風得疾祖重慶信之謂因汪德臣中傷而誤先是堅拒守事聞詔以堅嬰城自保百戰彌厲節義為蜀列城之冠賞典宜特優厚及憲宗班問至鄂憲宗弟呼必查問之即解圍北歸而聲言直趨臨安買似道大懼不知所為會堅

合州縣志卷三十九

九

使阮思聰掉急流以憲宗計問似道意解乃遣宋京請和而論合州解圍之功加堅甯遠軍節度使依前左領軍衛上將軍興元府駐劄御前諸軍都統制兼知合州節制軍馬進封清水縣開國伯景定元年詔徵入朝拜侍衛步軍都指揮使以中軍都統制知簡州馬千樞興州都統兼知合州代之四年賈似道忌堅才復出知和州兼管內安撫使五年三月堅鬱鬱卒賜諡忠壯州人立廟祀之咸淳三年詔賜其廟額曰報忠子安節累官都統制德祐元年與姚訔等守常州城破訔死安節節巷戰巴顏兵至執至軍前不屈亦死之事聞贈龍圖閣待制宋史理宗紀

通鑑

張珪字君玉陝西鳳州人陝原作隴秦嶺秦鳳州唐置屬山南道五代因之宋屬陝西秦鳳州名自隋而為縣唐至清清陝西中府鳳州治不遠作隴秦嶺秦鳳州名自隋而為縣唐至清理志改正今甘肅鞏昌府鳳州治不能領鳳州作隴非也今依歷史地陝免誤疑周年十八從軍釣魚山以戰功累官中軍都統制人號為四川越將寶祐末元兵攻蜀破吉平隘拔長甯殺守將王佐父子至閬州降安撫楊大淵推官趙廣死之至蓬州降守將張大悅運使施擇善死之順慶廣安諸郡破竹而下明年合諸道兵圍合州凡攻城之具無不

精備珪與王堅協力戰守攻之九月不能下景定初合守王堅徵入朝以馬千代守合三年蒙古闊達等路都元帥汪良臣以釣魚山險絕不可攻請就近築城以拒南師往來從之千不能禦東川都元帥楊大淵于渠江濱築虎嘯城以逼大良城亦不踰時而就四年千子饒餉至虎相山為東川兵所得屢以書勸千降朝廷乃以珪代千珪魁雄有謀善用兵出奇設伏算無遺策其治合州士卒必練器械必精御部曲有法雖奴隸有功必優賞之有過雖至親必罰不貸故人人用命自全汝楫失大食平大兵築虎相山駐兵兩城時出攻梁山忠萬開達民不得耕兵不得解甲而卧每餉渠竭數郡兵護送死戰兩城之下始克入咸淳二年十二月珪遣其將史昭王立以死五十斧西門入大戰城中復其城續資治通鑑長編卷一百一十一利東安撫使知合州張珪三其城續資治通鑑長編卷一百一十一利東安撫使知合州張珪三年二月蒙古詔諭釣魚等城有來降者優加賞犒不聽四月平章賽典赤提兵入壞重慶夾道出合城下珪旋舟斷江中為水城大兵數萬攻之不克遂引去九月蒙古總帥汪良臣請立砦于母彰德山控扼江南以當釣魚之衝從之明年改母彰德砦為定遠城武勝山為武勝軍合

合州縣志卷三十九

十

州自余玠用二再生策徙軍釣魚山城壁甚固然開慶受兵民凋弊甚珪外以兵護耕內教民墾田積粟米再期公私兼足續資治通鑑長編卷一百一十一利東安撫使知合州張珪三其城續資治通鑑長編卷一百一十一利東安撫使知合州張珪三年二月蒙古詔諭釣魚等城有來降者優加賞犒不聽四月平章賽典赤提兵入壞重慶夾道出合城下珪旋舟斷江中為水城大兵數萬攻之不克遂引去九月蒙古總帥汪良臣請立砦于母彰德山控扼江南以當釣魚之衝從之明年改母彰德砦為定遠城武勝山為武勝軍合州自余玠用二再生策徙軍釣魚山城壁甚固然開慶受兵民凋弊甚珪外以兵護耕內教民墾田積粟米再期公私兼足續資治通鑑長編卷一百一十一利東安撫使知合州張珪三其城續資治通鑑長編卷一百一十一利東安撫使知合州張珪三年二月蒙古詔諭釣魚等城有來降者優加賞犒不聽四月平章賽典赤提兵入壞重慶夾道出合城下珪旋舟斷江中為水城大兵數萬攻之不克遂引去九月蒙古總帥汪良臣請立砦于母彰德山控扼江南以當釣魚之衝從之明年改母彰德砦為定遠城武勝山為武勝軍合

不得達六月皆萬壽以嘉定及三龜九頂降守將侯都統戰死已而遣
敘長寧順開達巴渠諸郡不一月皆下合兵圍重慶作浮梁三江中
斷援兵自秋徂冬援絕糧盡珪屢以死士間入城許以赴援日爲之晝
守禦計二年正月遣其將趙安襲青居執安撫劉才參議馬嵩歸二月
遣張萬以巨艦載精兵斷內水橋入重慶四月合重慶兵出攻鳳頂諸
砦珪結盧士劉霖先坤朋爲內應舟六遣趙安破神臂門執梅應春殺
之復瀘州重慶兵漸解去圍瀘州十二月趙定應迎珪入重慶爲制置
初元東西川守將合兵萬人圍宋重慶大肆剽掠軍政不一城中益得
自守宋制置使張珪領重慶之命不得之官留合州以抗北軍遣師復
瀘涪二州北軍尋以不和自潰珪乃得入城遣將四出所向俱捷珪旋
遣使訪二王所在時已播遷閬廣號令不達于四川而川中諸將猶爲
宋守獨楊立以涪州降珪遣張萬攻立走俘其僚屬馮異午等立復合
兵來決戰史進張世傑戰死萬不支俘立妻子及安撫李端以歸珪以
都統程聰守清重慶兵盡退珪聞二王立廣中遣兵數百人求王所謁
史訓忠趙安等援瀘州張萬入夔連忠治兵拔石門及巴巫皆獲將士

合川縣志卷三十九 名宦二

十一

百餘人解大寧圍攻破十八砦元乃以哈坦原作奇余濟蘇里古思領
東川行樞密使攻合州布哈原作李德輝領西川行樞密院攻重慶仍
令德輝留成都給軍食明年六月張德潤復破涪州執守將程聰先是
聰在重慶力主守城之議珪入不知也使出守涪聰至郡快快不設備
至是被執德潤以肩輿載聰歸語之曰若子鵬飛爲參政矣早晚可會
聚也聰曰我執彼降非吾子也是月梁山軍袁世安降十月萬州破殺
守將上官夔十一月瀘州食盡人相食遂破之安撫王世昌自經死大
兵會重慶駐佛圖關以一軍駐南城一軍駐朱村坪一軍駐江上遣瀘
州降將李從賁李德輝書招降珪不從十二月達州降將鮮汝忠破威
遠皇華城執守將馬望軍使包申巷戰死至元十五年春珪遣總管李
議將兵出廣陽一軍皆沒二月大兵破紹慶府執守將鮮龍湖北提刑
趙立與制司幕官趙西泰皆自殺布哈至城下營造雲梯鶴車將攻之
珪悉眾出與汪良臣慶戰良臣身中四矢明日督戰益急珪率兵出薰
風門與大將也速錫兒戰扶桑壩諸將從其後合擊之珪兵大潰城中
糧盡趙安以書說珪降不聽安乃與帳下韓忠顯夜開鎮西門降珪率

兵巷戰不支歸索鳩飲左右匿鳩乃以小舟載妻子東走涪中道大憾
斧其舟欲自沈舟人奪斧擲江中珪踊躍欲赴水家人挽持不得死明
日萬戶鐵木兒追及於涪師進之續通鑑作元帥張德潤以舟執之送京
師重慶降制機曹琦自經死張萬張起巖出降進攻合州破外城三月
王立亦降珪至安西趙老庵其友謂之曰公盡忠一世以報所事今至
此縱得不死亦何以哉珪乃解弓弦自經厠中從者焚其骨以瓦缶葬
之死所趙立者字德修重慶人第進士以上書近買似道被謫德祐初
起爲太社令湖北提刑使蜀趙諸將入衛至重慶則皆萬壽已降珪方
城守爲後圖立無以復命還至涪沈水死宋史忠義本傳度宗紀元清
四川學政詹事府詹事南匯吳省欽書其後曰元史世祖紀十四年二
月甲戌西川行院兵至重慶營浮屠關即關宋都統趙安張珪降十五
年正月庚戌師入重慶十六年正月辛酉宋合州安撫王立降十七年
二月以珪昇瀘州安撫使梅國寶使復父警珪聞命自縊死其曰復警
者宋德祐元年六月國寶父應春守瀘州殺其判官李丁孫推官唐瑞
奎以降元次年六月珪結州人劉霖等爲內應破神臂門誅應春故也

合川縣志卷三十九 名宦二

十二

予觀宋李叛將如劉整管萬壽田世顯楊大淵張大悅各以蜀地北降
或爲之獻計取宋宋史以珪列忠義傳言珪十八歲而從軍其守釣魚
城算無遺策人盡用命致憲宗嬰疾而亡憲宗紀帝崩於行宮中時
爲賊風所震因疾班師至金劍山蜀志而終其守重慶帳下韓忠顯
夜開門降珪索賊不得乃載妻子走涪州斧舟欲自沈不得欲躍入水
不得明日元兵追及執之送京師至西安其友諷以死乃解弓弦自經
元李德輝傳曰重慶破珪走涪州自經死德輝薄合州城下呼王立出
降文信國悼制置使兼知重慶府張珪詩序曰珪蜀之健將與魯萬壽
齊名皆降張獨不降瀘州志載明御史羅廷唯劉霖傳曰元兵取重慶
路珪軍潰霖亦被執不屈同珪死難舟中夫忠顯開門降元元必斷珪
路珪既出薰風門與也速錫兒戰扶桑壩兵潰巷戰復不支安能復夜
歸而索賊而入舟明日而元始追及意者珪固號將元執之而向欲用
之信國長命於至元十九年之冬詩序但言其不降而不言其死迫遲
之二年之久不死復不降於是假國寶以復讐之號以速其死以著其
與降無異且重慶之破在十五年二月其降者趙安張萬張起巖至珪

則潰走見執元紀以安與珪之降係之十四年二月一似珪既降而重慶尚爲宋守亦失實也萬氏斯同以爲國寶詣闕訴寃正以珪之降與其父同世祖亦輕珪不盡忠於宋夫珪爲宋守土力竭被俘以視獻城導寇之徒相去尙遠珪苟死元史豈得書其降珪果降世祖又豈遽其死惟是依違輾轉坐延歲月而又無文山疊山始終不渝之志節見信於人以至二史矛盾身喪而名卒裂焉嗚呼豈獨珪哉森楷以爲省欽議二史矛盾是也其詞珪無始終不渝之志節見信於人身喪而名卒裂則非也珪求死不得忠義傳明明載之省欽何以獨不見信其在元二年餘猶不死者非不欲也勢不能也文山疊山豈一見執卽死者乎宋史列之忠義傳與張世傑陸秀夫同卷固以全節予之矣何身喪而名裂之有迂儒論事往往于無過中求有過謂是春秋責賢者備之義果余則人亦何樂爲賢者哉省欽爲人不足道而文學則薄有時名子恐人惑于其說因明辨之

張乃學台志

王立 人初爲張珪部將咸淳二年與史燦同奉珪命以死士五十

斧虎相山城西門入大賊城中遂奪其城

合川縣志卷三十九

名宦一

主

今大梁城續通鑒 後積戰功累官至都統制德祐元年珪遷四川制置副使知重慶府以立爲安撫使兼知合州代之立既任事益嚴守備兵民相爲腹心聲息稍緩卽調兵討捕鄰邑之降北者前後取果州之青居城復遂州境土攻鐵爐城堡詔加賞擢仍留本任景炎二年北兵來攻城圍甚急又值兩秋大旱人民易子而食王命不通已三年餘傳聞重慶叛將獻城張珪被擄州城孤危無援北兵至者日益眾且呼告之曰宋已歸我國矣余既無主爲誰守乎城中民愈兇懼知其禍在晷刻然皆協力無異謀也立因出誓眾曰某等荷國厚恩當以死報其如數十萬生靈何言已而泣眾亦泣不可仰顧念憲宗之罪在不赦又數與東川行院戰多殺其兵將有深怨終無計以解之則歸家愁蹙不食其家有義妹熊耳夫人者故北營渠帥妻也以俘虜來立召問之則曰妾姓王氏立喜曰作爲吾妹待我之母待獲尔夫再俾完聚夫人深謝之立遂視之若同乳妹已數年矣至是見立之憂亦慮城被禍及乃正告立曰妹實姓李今成都總帥李德輝妹親兄也若知安撫待我恩禮必盡心上奏親來救此一城人民公謂何如立聞大喜卽令致書德

輝遣儒生楊猷等潛赴成都納款夫人仍附鞋一緇爲信蓋夫人舊爲德輝作鞋有式德輝甚愛之也德輝得書知妹在魚城喜不自勝卽遣使赴關星馳問奏而先遣解等歸語立負夜登降旗于城上當卽親領兵至城下受降初東川行樞府懋前與西川相觀望致敗惡相屬願獨軍圍合州既久不能下而聞德輝當來盧害其成功則極言立狙詐不可信恐未必誠降德輝不聽語在德輝傳東府計不行見城有降旗欲遂登城受款而門閉壁堅竟不得入又次日德輝單舸至城下呼立出降兵民望見德輝旗皆歡呼焚香望塵下拜德輝麾圍兵退蒙古汪總帥不可曰我等攻守此城十餘年戰而死者以萬計憲宗皇帝亦因此城致病而崩今此來降攻困致斃方當屠城剖赤上爲先帝雪恥下爲亡卒報仇何遽退也德輝諭慰久之乃解因遂安集其民而罷置其吏合人無驚擾焉既而東府知德輝功密奏立久抗王師嘗指斥憲宗宜殺之降臣李諒亦訴立前殺其妻子有其財物詔許殺立籍其家償諒詔未至而安西王已具立降附本末來上且言東川院臣憤德輝受降之故將誣奏誅立以壞其功樞密院得其奏深以前奏爲非世祖怒曰

合川縣志卷三十九

名宦一

南

卿視人命若戲邪前遣使計殺立久矣悔何可追也會安西王使再至言未殺立乃詔立入覲命爲潼川路安撫使知合州事使令從通鑒加號懷遠將軍明年德輝卒立率吏民縗經拜哭聲震山谷仍發數百人護其喪至興元而還州人爲立李忠宣祠于釣魚山以熊耳夫人配食及立卒亦附祀焉清咸豐中進士朱奩論之曰子遊釣魚山山有祠祀余玠張珪諸公茲祀王立予心疑之祀立者以其雖降而能存宋之遺民也夫以存遺民爲可降則厓山移駐民之死亡幾盡矣文山諸人何不屈一己之節以恤瘡痍之眾張珪當渝城攻圍之日生靈詎止數萬能必其城破不遭殘殺乎亦可降以保全之何弗降蓋自古有死無信不立守土者雖時勢萬不可爲亦祇盡心籌戰守之策爲百姓并蔽濟則斯民之福不濟則率民死難使民皆爲忠義之民於民乎何負惡可降耶且卽謂立爲民降心終可原而旣以城降元俾宋民得不死卽當以身殉宋隨宋祚以俱終如此則元之君臣咸立報國之忠愛民之仁愈不忍傷城中之赤子矣立乃復受元官爵噫責立之降立猶有辭責立之不死立何以自解乎予故見立之祀而心疑之

光緒初知州華國英重修忠義祠爲之記曰宋南渡後北兵日益猖獗泛濫中國莫之敢當郡守王公堅張公珏前後相繼聚秦蜀十餘萬之眾於此力圖戰守出奇制勝元憲宗括天下精銳浩蕩而前駐蹕龜山攻圍累月親冒矢石遭礮風敗潰行至溫湯峽而祖計此城始消祐二年降於景炎三年中間三十餘年以來宋室陵夷中原板蕩而東南半壁宋祚只餘一線無非恃此一拳中土爲國家恢復之基然則魚城之存亡豈細故也哉大隄雲橫屹如山嶽其視尺寸之土本不能爲隄之損益然水潦暴至勢與隄平猶有尺寸之土未沒迨水勢消沮瀕水土之億萬生靈皆賴此尺寸隄防以免於汨沒之災則安得以尺寸之土而小之若使國不亡功業竟何如信國公詩已成當時定論是則王張二公不遺餘力忠心成宋其功實在社稷蓋宋朝之元氣雖傷而歷代作育之澤猶有存也明宏治初郡人念王張二公福民之功官於朝者上其事爲立專祠春秋祭祀嘉靖時大詔天下凡遺愛在人鄉評有據者請入祠奉祀余冉王張五公一時皆崇祀名宦至國朝乾隆十九年前刺史王采珍來守是邦見廟宇傾頽倡捐重建復從郡人士請推本制

合川縣志卷三十九名宦二

五

使余公并冉氏弟兄爲五公位顏曰忠義祠此眞見天理之常存人心之不沒也余下車以來訪民疾苦因屢年水災困苦流離難與復敬謁忠義祠神爲我民祈福登臨間見魚城勝蹟山高千仞峭壁懸巖三面環江雄疆西控流連賞歡摩挲久之慨然想見古名賢制治經邦之大略豐功偉烈積久彌光宜乎合人之興思不置也其廟雖屢經前在培修有前後牆垣無左右廊舍將何以肅祀事而逐神庥因商同州人士爲捐廉補修功竣之日爲之計日月序位次五公之外從祀者有元四川總帥李公德輝并元懷遠將軍王立李公於合有再造恩祀之固宜至王立爲宋之叛臣元之降人以之從祀是爲實祀神必不享余初以爲州人之私祀也退而考厥由來明時郡人初爲王張二公請專祠竝未及立後請五公入名宦立亦未與至國朝乾隆三十一年州吏目陳大文初蒞合陽私請入祠且爲作記吟詩以表其忠後復守是邦始行將前作鐫碑勒石不知何心州憲戴州人朱奐之論曰責立之降猶有辭責立之不死又何以自解下筆嚴謹字字誅心允爲千古確議必如大文之言堂阜之囚不死仲固留一身以匡天下豈魚城之民旣降立

遂得留一身以享富貴乎且宋亡時死國事者多矣皆不如立之善自爲計如陸秀夫張世傑死於海李芾死於潭趙昂發死於池江萬里死於饒姚皆死於常文相國死於燕市以及趙時賞等列忠義傳雖其中有未死十四人而卒能以節終者亦得附祀此皆宋朝三百年來祖德宗功栽培積累始獲報於今崢嶸大節照耀兩間上與五公之忠義相頡頏王立能毋對之生愧然吾於此以爲合人之風俗厚而禮教明所以代生賢哲也何者王立之不得從祀匪惟王立知之而合人早知之置之不議不論之列合人自無傷乎忠厚乃合人本欲爲之掩其失而大文反爲之表其功表其功者即所以彰其失是王立爲五公之罪人而大文又爲王立之罪人也宋儒呂伯恭曰待人欲寬論人欲盡非故刻也吾輩知人論世必本春秋筆削之義爲萬世立網常重名教俾天地之正氣常伸而我國家之元氣斯能蒸蒸日上也因作記而附論及之以告後來之與祭者後移立及德輝熊耳夫人于報恩祠官吏歲時致祭今存

合川縣志卷三十九名宦二

五

元年蘭酋奢寅遣其將樊龍率土兵援遼至重慶激所部譁變殺巡撫徐可求据城反登彥聞之與鄉官董盡倫起義兵討賊登城拒守慷慨誓師民氣大奮賊遣僞官蔡琛舊人說登彥登彥怒殺琛遣盡倫率兵東下討龍而自任防守事團結兵民扞禦嚴密賊不敢入會榮昌鄉官劉時俊自保寧領兵轉至合州聲勢聯絡民氣益壯城以獲全賊平論功遷某官去張乃字合州志寇重慶府志引朱賢元恢復重慶紀畧劉時俊倫城功崇祀三年庚午鄉李開源一作開源又作開元字乾生雲南易門人永里老君山梓潼殿薦謁選得四川大足縣知縣數年到任過合州適永里老君山梓潼殿落成請開源記之今碑尙存文繁不錄及至大足適值縣屬路孔河水災開源爲申報云看得路孔河一帶連年饑荒又攪不測掀天怒浪滿空鐵騎橫來動地轟雷一夜銀河倒瀉美哉輪美哉奐盡付馮夷甯爾幹甯爾居苦遭河伯抱桴泛泛奔邱阜以忽顛裸體皇皇攜妻孥而飢竄或夢寐乘波而不覺或昏迷失足以自沈離離巢墮哀鴉飛繞於空林人逐屋流喪犬悲嗥於刺址豈黃熊復出襄陵不滅潰宗白馬未投潰決何殊瓠子既愁家破又痛未傷浸千百峽所不到之田湧數十年

曾未聞之水田無坦衍傍谿墾者悉惟沙石平鋪民利沃饒依江濱者俱被波濤酷齧暫栖篋簞千家無舉火之屑乍變桑田四野失操蹄之望崩崖鬼哭空憐夜月之魂殘畛蛙鳴盡灑秋原之淚籲天不應扣關何由某災異適逢險危可懼斷橋阻路且同山水之遊要磧摧殘幾葬江漁之腹時艱目擊惟希鄭俠繪圖民事心酸那得汲黯矯詔甯惟私室無聊以自足之策兼以公家有必不可已之微堪憐垂成甯忍待斃議蠲以省歛未敢修望於廟堂議緩以示優是所急求於父母有災必記垂史筆者托意於春秋遇事直陳抱杞憂者獻愚於工曹倘職言可采民瘼用舒堪恻拯溺之仁大慰解懸之想地方幸甚時十六年六月也大吏威其誠爲據奏請賑得賜撫恤民以濟災旋修理泮池城門頗著聲績權權合州知州時述賊四擾開源隨宜備禦合人粗安明年賊大至攻城開源眾寡不敵被執不屈死之當時稱其公直方正宏毅有爲不虛也以任大足久返葬大足東門外叢塚間清邑令沈潛爲立神道碑于道周李德更爲作墓碑記然卒莫辨其塚果何在也

合川縣志卷三十九 名宦二 七

殷春發字潤生夔州府奉節縣人先世出自西域其來中國不知所始而多與漢姓同則合同而化久矣春發生而魁偉自顧岸然髫齡好刺擊術馳馬試劍意氣縱橫嘗言大丈夫不能立功絕域亦當驅逐寰中爲國靖亂老死牖下眞庸才也耆老聞此咸相與壯之同治四年髮捻肆擾湖北春發以行伍謀軍從征安陸血戰七晝夜奪獲旗幟斬賊無算保賞五品藍翎以外委用七年撥歸夔協充鹽廠營馬甲旋奉調晉省留軍標候差八年補軍標左營額外錄湖北功拔建目永定營半站汛外委九年遷平番營把總以繼歲邊蠻亂特調達字營差遣隨派赴前鋒大小二十二戰身先士卒凌厲無前奏稱其攻堅奪隘功保陞千總光緒元年調補重慶江北汛把總三年拔重慶中營千總以未引見駁回五年仍回江北汛任八年調夔府左營開縣汛把總未久調黔江汛十一年復調回江北汛十七年調補合州汛把總二十一年調回重慶本營候差二十四年大足余蠻子事起布政使王之春奉旨督辦教案勦撫事宜聞春發名特調隨營差遣從攻魚口均有破賊功

合川縣志卷三十九 名宦二 太

委解開花礮軍前聽用至永川馬坊橋與余黨遇可二千人喝稱繳械同行文武某某皆失色不知所爲春發指揮士卒三面衝擊獲匪十餘人餘均潰逃事聞奏保守備記名先用復委催解軍火購買馬匹護送高司鐸至筠連丁司鐸至邛州唐司鐸至珙縣底洞堡各一次均于二十五年先後交差無誤得由督辦呈請制府飭回合州本任二十九年奉調回營三十二年奉制憲檄三回本任宣統二年裁缺交卸遂買山于東津池卜宅家焉種竹樹桑有終焉之志不復問當世事然舊雨過從引杯看劍每酒酣耳熱輒復高談雄辯旁若無人或叩以用兵之要遜謝不敏固問則曰兩軍相見當自立于不敗之地則一鼓作氣直摧枯拉朽耳否則根本有失顧救無及能不遠巡畏縮爲敵所制耶蓋其閱歷既深故能自道所得如此亦庶幾有勇知方者矣民國三年卒年七十子三開泰字子煒光緒二十九年森楷總理學務開辦師範講習所來從予遊後歷學習團警事務曾充本縣警備隊長

森楷附記

名宦三

岑彭字君然南陽棘陽人也王莽時守本縣長漢兵起攻拔棘陽彭將家屬奔前隊大夫甄阜彭怒彭不能固守拘彭母妻令効功自補彭將賓客戰鬪甚力及甄阜死彭被創亡歸宛與前隊貳嚴說共城守漢兵攻之數月城中糧盡人相食彭乃與說舉城降諸將欲誅之大司徒伯升曰彭郡之大吏執心堅守是其節也今舉大事當表義士不如封之以勸其後更始乃封彭為歸德侯令屬伯升及伯升遇害彭復為大司馬朱鮪校尉從鮪擊王莽揚州牧李聖殺之定淮陽城鮪薦彭為淮陽都尉更始遣立威王張卬與將軍徭偉鎮淮陽偉反擊走卬彭引兵攻偉破之遷潁川太守會春陵劉茂起兵略下潁川彭不得之官乃與麾下數百人從河內太守呂人韓歆會光武徇河內歆欲城守彭止不聽既而光武至懷歆迫急迎降光武知其謀大怒收歆置鼓下將斬之召見彭彭因進說曰今赤眉入關更始危殆權臣放縱矯稱詔制道路

合川縣志卷四十

名宦三

一

阻塞四方蜂起羣雄競逐百姓無所歸命竊聞大王平河北開王業此誠皇天祐漢士人之福也彭幸蒙司徒公所見全濟未有報德旋被禍難永恨於心今復遭遇願出身自效光武深接納之彭因言韓歆南陽大人可以為用乃貴歆以為鄧禹軍師更始大將軍呂植將兵屯淇園彭說降之於是拜彭為刺姦大將軍使督察眾營授以常所持節從平河北光武即位拜彭廷尉歸德侯如故行大將軍事與大司馬吳漢大司空王梁建義大將軍朱祐右將軍萬脩執金吾賈復驍騎將軍劉植揚化將軍堅鐔積射將軍侯進偏將軍馮異祭遵王霸等圍洛陽數月朱鮪等堅守不肯下帝以彭嘗為鮪校尉令往說之鮪在城上彭在城下相勞苦勸語如平生彭因曰彭往者得執鞭侍從蒙薦舉拔擢常思有以報恩今赤眉已得長安更始為三王所反皇帝受命平定燕趙盡有幽冀之地百姓歸心賢俊雲集親率大兵來攻洛陽天下之事近其去矣公雖嬰城固守將何待乎鮪曰大司徒被害時鮪與其謀又諫更始無遺蕭王北伐誠自知罪深彭還具言於帝帝曰夫建大事者不忌小怨鮪今若降官爵可保況誅罰乎河水在此吾不食言彭復往告鮪

鮪從城上下索曰必信可乘此上彭趣索欲上鮪見其誠即許降後五日鮪將輕騎詣彭願勅諸部將曰堅守待我我若不還諸君徑將大兵上轅轅歸鄧王乃面縛與彭俱詣河陽帝即解其縛召見之復令彭夜送鮪歸城明旦悉其眾出降拜鮪為平狄將軍封扶溝侯鮪淮陽人後為少府傳封累代建武二年使彭擊荊州下樊葉等十餘城是時南方尤亂南郡人秦豐據黎邱自稱楚黎王略十有二縣董訢起堵鄉許都起杏又更始諸將各擁兵據南陽諸城帝遣吳漢伐之漢軍所過多侵暴時破虜將軍鄧奉謁歸新野怒吳漢掠其鄉里遂逐擊破漢軍獲其輜重屯據南陽與諸賊合從秋彭破否降許都遷征南大將軍復遣朱

合川縣志卷四十

名宦三

二

劉宏偏將軍劉嘉耿植等與彭并力討鄧奉先擊堵鄉而奉將萬餘人救董訢新奉皆南陽精兵彭等攻之連月不克三年夏帝自將南征至葉董訢別將將數千人遮道車騎不可得前彭奔擊大破之帝至堵陽鄧奉夜逃歸南陽董訢降彭復與耿弇賈復及積弩將軍傅俊騎都尉臧宮等從追鄧奉於小長安帝率諸將親戰大破之奉迫急乃降帝憐奉舊功臣且豐起吳漢欲全宥之彭與耿弇諫曰鄧奉背恩反逆暴師經年致賈復傷夷朱祐見獲陛下既至不知悔善而親在行陳兵敗乃降若不誅奉無以懲惡於是斬之奉者西華侯鄧晨之兄子也車駕引還令彭率傅俊臧宮劉宏等三萬餘人南擊秦豐拔黃陞豐與其大將蔡宏拒彭等於鄧數月不得進帝怪以讓彭彭懼於是夜勒兵馬申令軍中使明旦西擊山都乃緩所獲虜令得逃亡歸以告豐豐即悉其軍西邀彭彭乃潛兵度沔水擊其將張楊於阿頭山大破之從川谷間伐木開道直襲黎邱擊破諸屯兵豐聞大驚馳歸救之彭與諸將依東山為營豐與蔡宏夜攻彭彭豫為之備出兵逆擊之豐敗走追斬蔡宏更封彭為舞陰侯秦豐趙京舉宜城降拜為成漢將軍與彭共圍豐於黎邱時田戎擁眾夷陵聞秦豐被圍懼大兵方至欲降而妻兄辛臣諫戎曰今四方豪傑各據郡國洛陽地如掌耳不如按甲以觀其變戎曰以秦王之強猶為征南所圍豈況吾邪降計決矣四年春戎乃留辛臣守夷陵自將兵沿江沔沔止黎邱刻期日當降而辛臣於後盜戎珍寶從間道先降於彭而以書招戎戎疑必賣已遂不敢降而反與秦豐合

彭出兵攻戎數月大破之其大將伍公詣彭降戎亡歸夷陵帝幸黎丘勞軍封彭吏士有功者百餘人彭攻秦臺三歲斬首九萬餘級豐餘兵裁千人又城中食且盡帝以豐轉弱令朱祐代彭守之使彭與傅俊南擊田戎大破之遂拔夷陵迨至秭歸戎兵數十騎亡入蜀盡獲其妻子士眾數萬人彭以將伐蜀漢而來川谷少水險難漕運留威虜將軍馮駿軍江州都尉田鴻軍夷陵領軍李玄軍夷道自引兵還屯津鄉當荆州要會喻告諸蠻夷降者奏封其君長初彭與交趾牧鄧護厚善與讓書陳國家威德又遣偏將軍屈充移檄江南班行詔命於是讓與江章太守侯登武陵太守王堂長沙相韓福桂陽太守張隆零陵太守田翕蒼梧太守杜穆交趾太守錫光等相率遣使貢獻悉封爲列侯或遣子將兵助彭征伐於是江南之珍始流通焉六年冬徵彭詣京師數召譙見厚加賞賜復南還津鄉有詔過家上冢大長秋以朔望問太夫人起居八年彭引兵從車駕破天水與吳漢圍隗囂於西城時公孫述將李育將兵救囂守上邽帝留蓋延耿种圍之而車駕東歸勅彭書曰兩城若下便可將兵南擊蜀虜人苦不知足既得隴復望蜀每一發兵頭繫

合川縣志卷四

名宦三

三

爲白彭遂壅谷水灌西城城未沒丈餘將巡行周宗將蜀救兵到囂得出還冀漢軍食盡燒輜重引兵下隴延奔亦相隨而退囂出兵尾擊諸營彭殺爲後拒故諸將能全師東歸彭還津鄉九年公孫述遣其將任滿田戎程汎將數萬人乘枋單下江關擊破馮駿及田鴻李玄等遂拔夷道夷陵據荆門虎牙橫江起浮橋關樓立橫柱絕水道結營山上以拒漢兵彭數攻之不利於是裝直進樓船冒突露檣數千艘十一年春彭與吳漢及誅虜將軍劉隆輔威將軍臧宮驍騎將軍劉歆發南陽武陵南郡兵又發桂陽零陵長沙委輜棹卒凡六萬餘人騎五千匹皆會荆門吳漢以三郡棹卒多費糧穀欲罷之彭以蜀兵盛不可遣上書言狀帝報彭曰大司馬習用步騎不曉水戰荆門之事一由征南公爲重而已彭乃令軍中募攻浮橋先登者上賞於是偏將軍魯奇應募而前時天風狂急彭奇船逆流而上直衝浮橋而橫柱鉤不得去奇等乘勢殊死戰因飛炬焚之風怒火盛橋燬崩燒彭復悉軍順風並進所向無前蜀兵大亂溺死者數千人斬任滿生獲程汎而田戎亡保江州彭上劉隆爲南郡太守自率臧宮劉歆長驅入江關令軍中無得虜掠

所過百姓皆奉牛酒迎勞彭見諸耆老爲言大漢哀愍巴蜀人見虜役故興師遠伐以討有罪爲人除害讓不受其牛酒百姓皆大喜悅爭開門降詔彭守益州牧所下郡輒行太守事彭到江州以田戎食多難卒拔留馮駿守之自引兵乘利直指墊江攻破平曲收其米數十萬石公孫述使其將延岑呂鮪王元及其弟恢悉兵拒廣漢及資中又遣將侯丹率二萬餘人拒黃石彭乃多張疑兵使護軍楊翁與賊宮拒延岑等自分兵守江下還江州沔郡江而上襲擊侯丹大破之因晨夜倍道兼行二千餘里徑拔武陽使精騎馳廣都去成都數十里鼓若風雨所至皆奔散初述聞漢兵在平曲故遣大兵逆之及彭至武陽繞出延岑軍後蜀地震駭述大驚以杖擊地曰是何神也彭所營地名彭亡聞而惡之欲徙會日暮蜀刺客詐爲亡奴降夜刺殺彭首破荆門長驛武陽持軍整齊秋豪無犯叩殺王任貴聞彭威信數千里遣使迎降會彭已薨帝盡以任貴所獻賜彭妻子諡曰壯侯蜀人憐之爲立廟武陽歲時嗣焉子遵嗣徙封細陽侯十三年帝思彭功復封遵弟淮爲穀陽侯遵永平中爲屯騎校尉遵卒子伉嗣伉卒子杞嗣元初三年坐事失國建

合川縣志卷四

名宦三

四

光元年安帝復封杞細陽侯順帝時爲光祿勳杞卒子熙嗣尙安帝妹涅陽長公主少爲侍中虎賁中郎將朝廷多稱其能遷魏郡太守招聘隱逸與參政事無爲而化視事二年輿人歌之曰我有枳棘岑君伐之我有蠹賊岑君遏之狗吠不驚足下生聲含哺鼓腹焉知凶災我喜我生獨丁斯時美矣岑君於戲休茲熙卒子福嗣爲黃門侍郎後漢書載宮字君翁潁川潁人也少爲縣亭長游徼後率賓客入下江兵中爲校尉因從光武征戰諸將多稱其勇光武察宮勳力少言甚親納之及至河北以爲偏將軍從破羣賊數陷陳郡敵光武卽位以爲侍中騎都尉建武二年封成安侯明年將突騎與征虜將軍祭遵擊更始將左防韋顏於沮陽鄺悉降之三年將兵徇江夏擊代鄉鍾武竹里皆下之帝使大中大夫持節拜宮爲輔威將軍七年更封期思侯擊樂郡濟陰皆平之十一年將兵至中盧屯駱越時公孫述將田戎任滿與征南大將軍岑彭相拒於荆門彭等戰數不利越人謀畔從蜀官兵少力不能制會屬縣送委輸車數百乘至宮夜使踞斷城門限令車聲回轉出入至旦越人候伺者聞車聲不絕而門限斷相告以漢兵大至其渠帥乃

